



REPUBLIKA E SHQIPËRISË

KOMISIONERI PËR MBROJTJEN NGA DISKRIMINIMI

Nr. 17 Prot.

Tiranë, më 06.01.2022

V E N D I M

Nr. 3, Datë 06.01.2022

Bazuar në pikën 11¹, të nenit 33, të ligjit 10221/2010 “Për Mbrojtjen nga Diskriminimi”, të ndryshuar, Komisioneri për Mbrojtjen nga Diskriminimi²,

K O N S T A T O N:

Mbështetur në nenin 32, pika 1, shkronja “a”, dhe pika 3 e këtij neni, si dhe nenit 33 e 33/1, të ligjit 10221/2010 “Për Mbrojtjen nga Diskriminimi”, të ndryshuar, Komisioneri për Mbrojtjen nga Diskriminimi, ka ndjekur të gjithë hapat që parashikon procedura e hetimit, për të shqyrtuar ankesën nr. 56 Regj., datë 06.04.2021, të paraqitur nga shtetasi D. M, kundër Bashkisë Kukës, me pretendimin e diskriminimit për shkak të “bindjeve politike”.

Bazuar në nenin 33/10 të ligjit 10221/2010 “Për Mbrojtjen nga Diskriminimi”, të ndryshuar, në përfundim të procedurës së hetimit, Komisioneri ka dalë me Vendimin nr. 186, datë 30.09.2021, me anë të të cilit ka vendosur: “Konstatimin e diskriminimit të ankuesit D. M, në të drejtën për punësim, për shkak të bindjeve politike, nga ana e Bashkisë Kukës”.

Në pikën 2 të këtij vendimi, Komisioneri ka vendosur: “Në referim të pikës 1, Bashkia Kukës, të marrë masa për rivendosjen në vend të të drejtës së shkelur duke rikthyer subjektin ankues në pozicionin e mëparshëm të punës ose në një pozicion të barazvlefshëm me të”.

Bashkia Kukës, megjithëse ka marrë dijeni për Vendimin sipërcituar që me datë 01.10.2021, me anë të kuponit postar të lajmërim marrjes me nr. RR 653 353 757 AA, nuk ka sjellë asnjë përgjigje

¹ “Nëse Komisioneri urdhëron rregullime ose masa, personi kundër të cilit është paraqitur ankesa, raporton brenda 30 ditëve para Komisionerit në lidhje me veprimet e ndërmarra për zbatimin e vendimit. Në rast se personi, kundër të cilit është paraqitur ankesa nuk e informon Komisionerin ose nuk e zbaton vendimin, Komisioneri vendos masë për ndëshkimin me gjobë për personin kundër të cilit është paraqitur ankesa. Sanksioni me gjobë shfuqizohet nëse personi kundër të cilit është paraqitur ankesa, e zbaton vendimin brenda shtatë ditëve pasi është vendosur sanksioni”.

² Në vijim do t’i referohemi si Komisioneri ose me akronimin KMD.

shkresore pranë KMD-së lidhur me marrjen e masave për zbatimin e tij, si dhe as nuk e ka kundërshtuar atë gjyqësisht, konform afateve ligjore të përcaktuara.

Nëpërmjet shkresës me nr. 1377/2 prot., datë 16.12.2021, KMD i ka dërguar Bashkisë Kukës një kujtesë lidhur me detyrimin për ta njoftuar për masat e ndërmarra, në zbatim të Vendimit nr. 186, datë 30.09.2021, të Komisionerit.

Megjithë marrjen dijani të shkresës sipërcituar, që me datë 17.12.2021, vërtetuar nëpërmjet kuponit postar të lajmërim marrjes me nr. RR 259 220 917 AA, Bashkia Kukës nuk ka sjellë asnjë përgjigje zyrtare lidhur me sa është kërkuar. *(Komisioneri nuk është vënë në dijeni të zbatimit të kërkesës së Tij, apo të kundërshtimit gjyqësisht të vendimit nr. 186, datë 30.09.2021).*

PËR KËTO ARSYE:

Mbështetur në nenin 32/1, shkronja “ç”, neni 33, pikat 11, 12, 13/a dhe 14, si dhe nenin 33/1, të ligjit nr. 10221, datë 04.02.2010 “Për Mbrojtjen nga Diskriminimi”, të ndryshuar, Komisioneri për Mbrojtjen nga Diskriminimi,

V E N D O S I:

1. Subjekti Bashkia Kukës, të gjobitet në vlerën 100.000 (njëqind mijë) lekë.
2. Gjoha të derdhet në Buxhetin e Shtetit, brenda 45 ditëve nga komunikimi i masës administrative. Pagesa e kësaj vlere të bëhet pranë çdo banke në llogarinë e thesarit Tiranë, për llogari të: Komisioneri për Mbrojtjen nga Diskriminimi, NIPT: L02027451K, Kodi: 1091001, Entiteti i Qeverisjes: 001, Distrikti (TDO) 3535, Llogaria ekonomike: 7115499.
3. Zbatimi i Vendimit nr. 186, datë 30.09.2021 të Komisionerit për Mbrojtjen nga Diskriminimi, brenda shtatë ditëve nga marrja dijani për sanksionet, sjell shfuqizimin e tij.
4. Kundër këtij vendimi lejohet ankim në gjykatë, brenda 45 ditëve nga marrja dijani, sipas parashikimeve ligjore të Kodit të Procedurave Administrative, të ndryshuar.

KOMISIONERI

Robert GAJDA